

阿毘達磨大毘婆沙論卷第二百

五百大阿羅漢等造
三藏法師玄奘奉 詔譯

見蘊第八中見納息第五之三

藍字部分：《發智論卷二十》釋論範圍

後際分別見中，十六有想論者。謂：初四種，依三見立。

- ①如說一類補特伽羅，起如是見，立如是論：「命者即身。」
- ②復有一類補特伽羅。起如是見，立如是論：「命者異身。」
- ③復有一類補特伽羅。起如是見，立如是論：「此總是我，遍滿無二、無異、無缺。」

一、依第一見，建立第一「我有色，死後有想論」。謂：

彼外道，**執色為我**，**執餘四蘊為我所**。彼所執我，以色為性，故名有色。
取諸法相說名為想。此有色我、有彼想，故說名有想，以執四蘊為我所，故彼作是念：「此有色我，死後有想。」
此在欲界全、色界一分，除無想天。許無色界亦有色者，此亦在彼前三無色，此有想故，不在後一。

二、依第二見，建立第二「我無色，死後有想論」。謂：

- ①彼外道，**執無色為我**，**執色或餘四蘊為我所**。
- ②謂若**除想**，**執餘三蘊總別為我**，即**執想、色蘊為我所**。
- ③若**執想蘊為我**，即**執餘蘊為我所**。彼所執我無色為性，故名無色。
取諸法相說名為想，此無色我或想為性。或有想-用說名有想。或有彼想說名有想。以**執想蘊為我所**故。彼作是念：「此無色我，死後有想。」此在欲界...乃至無所有處，除無想天。

三、依第三見，建立第三「我亦有色亦無色，死後有想論」。謂：

彼外道，**執色、無色為我**，如諦語外道等。總於**五蘊起一我想**，由彼各別分別諸蘊不得實我，猶如各別分別甘、酢、鹹、辛、苦、淡，無總實有一味可得。

彼於**諸蘊起一想**已，**總執為我**，彼所執我以色、無色為性，故名亦有色亦無色。

取諸法相說名為想，此亦有色亦無色我；或以想為性，或有想-用說名有想；或有彼想說名有想，以**執自身諸蘊為我**，**執他諸蘊為我所**故。有餘外道，於有色我見過失已，依無色我而住；於無色我見過失已，復依有色我而住。彼諸外道我見未斷，雖執有我，而**不決定**，說**所執我**唯是有色，或唯是無色，然作是念：「此亦有色亦無色。我死後有想。」此在欲界全，隨其所應...乃至廣說。

第四、我非有色非無色，死後有想論。

即遮第三無別依見，彼作是念：「我雖實有，而不可說定亦有色亦無色。」彼見實我，定亦有色亦無色，俱有過失。故作是說：「此我非有

色非無色，死後有想…」餘如前說。

如是四種，或依尋伺，或依等至，皆容得起。

執我有邊，死後有想論者：

①若執色為我，彼所執我體，有分限，或在心中-如指節量，光明熾盛，或在身中-稱身形量，內外明徹。如說我、我形相端嚴、光明熾盛、清淨第一。喬答摩尊寧說：「無我。」

②若執非色為我，彼所執我亦有分限。以非色法，所依、所緣有分限故，亦名有邊。彼依①尋、伺起如是執；若依②等至起此執者，必未得遍處定。

如是二種，俱作是念：「我定有邊，死後有想。」此在欲界全，色界一分，除無想天。

許無色界亦有色者，此亦在彼前三無色。

執我無邊，死後有想論者：

①若執色為我，彼所執我遍一切處。如《明論》說：「有我士夫，其量廣大，邊際難測，光色如日。諸冥闇者，雖住其前而不能見，要知此我方能力越度生、老、病、死，異此，更無越度理趣。

又如有說：「地即是我，我即是地，其量無邊。」

②若執無色為我，彼作是念：「如不至火，終不能燒。若不至刀，終不能割。若不至水，終不能潤。如是若有不至我者，終不能取無邊分量。」彼依①尋伺起如是執；若依②等至起此執者，必已得遍處定。

如是二種，俱作是念：「我定無邊，死後有想。」此在欲界全，隨其所應...乃至廣說。

執我亦有邊亦無邊，死後有想論者：

①若執色為我，彼所執我隨所依身，或卷、或舒，其量不定。彼作是念：「身若有量我即有邊，身若無量我即無邊。」

②若執無色為我，彼作是念：「若隨有量所依、所緣-我即有邊；若隨無量所依、所緣-我即無邊。」如是二種，俱作是念：「我亦有邊亦無邊，死後有想。」此在欲界全，隨其所應...乃至廣說。

執我非有邊非無邊，死後有想論者：

即遮第三，為此第四。三門異說，如前應知。

如是四種或依尋、伺，或依等至，皆容得起。

★依想、受異，故作是說：「我有一想、我有種種想、我有小想、我有無量想、我純有樂、我純有苦、我有苦有樂、我無苦無樂，死後有想。」

此中...

①我有一想者。謂：在前三無色，由彼諸想，一門轉故，說名一想。

②我有種種想者。謂：在欲、色界，除無想天。由彼諸想，六門、四門轉故，及緣種種境，故名種種想。

依尋、伺者，我亦有差別。謂：有一種工巧智者，名有一想；若有種種工巧智者，名有種種想。

③我有小想者。謂：執少色為我，或執少無色為我。

▲若執少色為我：

①彼執色我，其量狹小，如指節等。

②彼執想為我。所依小身故、緣少境故，說為小想。我與彼合，名有小想。此在欲界全、色界一分，除無想天，許無色界亦有色者，此亦在彼前三無色。

▲若執少無色為我：

①彼或執受為我，想為我所，依小身故、緣少境故，說為小想。我與彼合名有小想。

執行為我，執識為我，廣說亦爾。

②若執想為我，彼想，依小身故、緣少境故，說為小想。彼執小想為我性故，或有想-用名有小想。此在欲界...乃至無所有處，除無想天。

④我有無量想者。謂：執無量色為我，或執無量無色為我。

▲若執無量色為我：

彼①執色我遍一切處；彼②執想為我。所依無量身故、緣無量境故，名無量想，我與彼合名有無量想。此在欲界全、色界一分，除無想天，許無色界亦有色者，此亦在彼前三無色。

▲若執無量無色為我：

①彼或執受為我，想為我所，彼想，依無量身故、緣無量境故，名無量想；我與彼合故，名有無量想。

執行為我、執識為我，廣說亦爾。

②若執想為我，彼想，依無量身故、緣無量境故，名無量想。彼執無量想為我-性故，或有想-用故名有無量想。此在欲界...乃至無所有處，除無想天。

如是四種，或依尋、伺、或依等至，皆容得起。

⑤我純有樂者。謂：在前三靜慮。

①諸得定者，以天眼通，見三靜慮恒時受樂，後從彼歿，來生此間，便作是念：「我純有樂。」

②諸尋、伺者，見諸有情，於一切時與樂具合，便作是念：「我純有樂。」如於此世；他世亦爾。

⑥我純有苦者。謂：在地獄。

①諸得定者，以天眼通，見在地獄恒時受苦，後從彼歿，來生此間，便作是念：「我純有苦。」

②諸尋、伺者，見諸有情，於一切時與苦具合，便作是念：「我純有苦。」如於此世；他世亦爾。

⑦我有苦有樂者。謂：在傍生、鬼界、人及欲界天。

①諸得定者，以天眼通，見彼有情苦、樂雜受，後從彼歿，來生此間，便作是念：「我有苦、有樂。」

②諸尋伺者，見諸有情，有時與苦具合，有時與樂具合，便作是念：「我有苦、有樂。」如於此世；他世亦爾。

⑧我無苦無樂者。謂：在第四靜慮...乃至無所有處。

①諸得定者，知彼有情無苦、無樂，後從彼歿，來生此間，便作是念：「我無苦、無樂。」

②諸尋伺者，作如是念：「我體是常，不明了轉。雖有暫與苦、樂相應，而彼是客，我非有彼。」

此十六種後際分別。諸有想論，依前所說十六事起。

★八無想論者：謂：有色等四，有邊等四。

▲有色等四者：

一、執我有色，死後無想。謂：

①彼執色為我，得無想定，及見他得彼定，生無想有情天，便作是念：「我有色，死後無想。」當生無想有情天中，想不起故。

②諸尋、伺者，執色為我見有風癘、熟眠、悶絕、苦受所切，似全無想，便作是念：「我雖有色，而無其想。」如於此世；他世亦爾。

二、執我無色，死後無想。謂：

①彼執命根為我，得無想定，及見他得彼定，生無想有情天，便作是念：「我無色，死後無想。」當生無想有情天中，想不起故。

②諸尋、伺者，執命根為我見有風癘、熟眠、悶絕、苦受所切，似全無想，便作是念：「我無色，亦無想。」如於此世；他世亦爾。

③有尋、伺者，除想，執餘三蘊為我。亦容執我無色，死後無想。

三、執我亦有色亦無色，死後無想。謂：

①彼執色命根為我，彼於此二起一我想，由彼各別分別此二不得實我，猶如各別分別甘等不得總味。彼執此二為一我，已得無想定。及見他得彼定，生無想有情天，便作是念：「我亦有色亦無色，死後無想。」當生無想有情天中。想不起故。

②諸尋、伺者，執色命根為我見有風癘、熟眠、悶絕、苦受所切，似全無想，便作是念：「我亦有色亦無色，而全無想。」如於此世；他世亦爾。

③有尋、伺者，除想，執餘四蘊為我，亦容執我亦有色亦無色，死後無想。

四、執我非有色非無色，死後無想。

即遮第三，為此第四。三門異說，如前應知。

▲有邊等四者：

一、執我有邊，死後無想。謂：

- ①若執色為我，彼執色我-其量狹小，如指節等。
- ②若執無色為我，彼執命根為我-遍在身中，稱身形量，如是執已，得無想定，及見他得彼定，生無想有情天。便作是念：「我有邊死後無想。當生無想有情天中。想不起故。」
- ③諸尋、伺者，亦執彼為我-見有風癩，隨其所應，廣如前說。

二、執我無邊，死後無想。謂：

- ①若執色為我，彼執色我遍一切處。
- ②若執無色為我。彼執命根為我，亦遍一切處。如是執已，得無想定，及見他得彼定，生無想有情天。便作是念：「我無邊，死後無想。」當生無想有情天中，想不起故。
- ③諸尋、伺者，亦執彼為我-見有風癩，隨其所應，廣如前說。

三、執我亦有邊亦無邊，死後無想。謂：

- ①若執色為我，彼執色我，或卷、或舒。
- ②若執無色為我，彼執命根為我，亦如身色，或卷、或舒，如是執已，得無想定，及見他得彼定，生無想有情天。便作是念：「我亦有邊亦無邊，死後無想。」當生無想有情天中，想不起故。
- ③諸尋、伺者，亦執彼為我，隨其所應，廣如前說。

四、執我非有邊非無邊，死後無想。

即遮第三，為此第四，三門異說，如前應知。

如是八種後際分別，諸無想論，依前所說：八種事起。

★八非有想非無想論者。謂：有色等四，有邊等四。

▲有色等四者：

一、執我有色，死後非有想非無想。謂：

- ①尋、伺者，執色為我。彼見有情，想不明了，便作是念：「我有色，非有想非無想。」如於此世；他世亦爾。
非得彼定可有此執，所以者何？要已離無所有處染者，方可執非想非非想處諸蘊為我。彼既無色，此執理無，有依別義說：「得彼定，亦有此執。」謂：生欲、色界，已離無所有處染者，執非想非非想處諸蘊為我。
- ②彼所執我-體雖非色，而與色合，名有色我。如說有髻人，而人體非髻，彼雖不執色為我所，而所執我未離色身...乃至命終猶隨身，故說我有色。
彼由所入非想非非想處定，想不明了故，執我現在非有想非無想，死後亦然，許無色界亦有色者，彼許有執非想非非想處我實有色，

而非有想亦非無想。

二、執我無色，死後非有想非無想。謂：

- ①得彼定者，**執非想非非想處諸無色蘊**為**我**，或為**我所**。彼所執我，以無色為性；或有無色故，名無色我。彼由所入非想非非想處定，想不明了故，執我現在非有想非無想，死後亦然。
- ②諸尋、伺者，執無色為**我**。彼見有情，想不明了，便作是念：「我無色，非有想非無想。」如於此世；他世亦爾。

三、執我亦有色亦無色，死後非有想非無想。謂：

- ①尋伺者，**執色、無色**為**我**。彼見有情，想不明了，便作是念：「我亦有色亦無色，非有想非無想。」如於此世；他世亦爾。
- 非得彼定可有此執，所以者何？要已離無所有處染者，方可執非想非非想處諸蘊為我，彼既無色，此執理無。有依別義說：「得彼定，亦有此執。」謂：生欲、色界，已離無所有處染者。執非想非非想處諸蘊為我。
- ②彼**所執我-體**，雖非色，而與色合，名有**色我**。如說有髻人，而人體非髻，彼雖不執色為我所，而所執我未離色身...乃至命終，猶隨身故，說我亦有色。
- ③**執無色**為**我**，故說我亦無色。彼由所入非想非非想處定，想不明了故，執我現在非有想非無想，死後亦然，許無色界亦有色者，彼許有執非想非非想處，我實亦有色亦無色，而非有想亦非無想。

四、執我非有色非無色，死後非有想非無想。

即遮第三，為此第四，三門異說，如前應知。

▲有邊等四者：

- 一、執我有邊，死後非有想非無想。
- 二、執我無邊，死後非有想非無想。
- 三、執我亦有邊亦無邊，死後非有想非無想。
- 四、執我非有邊非無邊，死後非有想非無想。

如是一切，皆**執無色**為**我**，已得非想非非想處定者，皆容有此執；又此一切皆容**執非想非非想處**，**四無色蘊**為**我、我所**。

- 一、由彼定，時分促故，以一一蘊為所緣故，**執我有邊**。
- 二、由彼定，時分長故，總以四蘊為所緣故，**執我無邊**。
- 三、由彼定，時分或促、或長故，或一一蘊、或總四蘊為所緣故，**執我亦有邊亦無邊**。

即遮第三，為其第四，三門異說，如前應知。

此中一切，皆由所入非想非非想處定，想不明了故，執我現在非有想非無想，死後亦然。

諸尋、伺者及許無色界亦有色者，**執色、無色**為**我**，隨其所應，廣如前說。

如是八種後際分別，非有想非無想論，依前所說：八事而起。

問：何故無想論及非有想非無想論中，不說我有一想等八耶？

答：若亦說者，一切皆應名有想論，以有想、受者，非無想等故。

如是一切有想等論說：死後，故皆是後際分別見攝。

★七斷滅論者：

一、作是念：「此我有色，鹿四大種所造為性，死後斷滅，畢竟無有，齊此名為我正斷滅。」

彼見～此生受胎為初，死時為後。便作是念：「我受胎時，本無而有，若至死位，有已還無，名善斷滅。」

二、作是念：「此我欲界天，死後斷滅，畢竟無有，齊此名為我正斷滅。」

彼作是念：「我既不因產門而生，本無而有，有已還無。如彗星等，名善斷滅。」

三、作是念：「此我色界天，死後斷滅，畢竟無有。齊此名為我正斷滅。」

彼作是念：「我既不因產門而生，本無而有，由等至力，有已還無，名善斷滅。」

或有說者：此三斷見，皆緣已離初靜慮染有情而起。彼斷見者，雖已得定，而未能離初靜慮染，所發天眼唯見下地，前三有情既命終已皆生上地，所受中有、生有等身，非彼境界，便作是念：「得靜慮者，既命終已，悉皆斷滅。」

四、作是念：「此我空無邊處天，死後斷滅，畢竟無有，齊此名為我正斷滅。」

五、作是念：「此我識無邊處天，死後斷滅，畢竟無有，齊此名為我正斷滅。」

六、作是念：「此我無所有處天，死後斷滅，畢竟無有，齊此名為我正斷滅。」

七、作是念：「此我非想非非想處天，死後斷滅，畢竟無有，齊此名為我正斷滅。」

此中後四，有執空無邊處為生死頂...乃至有執非想非非想處為生死頂。

若執空無邊處為生死頂，彼執空無邊處，死後無有，名善斷滅。

...乃至

若執非想非非想處為生死頂，彼執非想非非想處，死後無有，名善斷滅。

如是七種後際分別諸斷滅論，依前所說：七事而起。

如是七種皆說死後，故是後際分別見攝。

★五現法涅槃論者：

謂：外道執～若於現在我受安樂，名得涅槃。若我有苦，爾時不名得涅槃

者不安樂故。初作是念：「此我清淨、解脫，出離一切災橫。」謂：現

受用妙五欲樂，爾時名得現法涅槃。

第二、能見諸欲過失。彼作是念：「欲所生樂，眾苦所隨，多諸怨害；定所生樂，微妙寂靜，無眾苦隨，離諸怨害。」

復作是念：「此我清淨、解脫，出離一切災橫。」調：現安住最初靜慮，爾時名得現法涅槃。

第三、能見諸欲尋、伺，俱有過失。彼作是念：「此我清淨、解脫，出離一切災橫。」調：現安住第二靜慮，爾時名得現法涅槃。

第四、能見諸欲尋、伺及喜過失。彼作是念：「此我清淨、解脫，出離一切災橫。」調：現安住第三靜慮，爾時名得現法涅槃。

第五、能見諸欲尋、伺、喜、入出息，皆有過失。彼作是念：「此我清淨、解脫，出離一切災橫。」調：現安住第四靜慮，爾時名得現法涅槃。

問：云何此五現法涅槃論是後際，分別見攝？

答：此五雖緣現在，而待過去，名後，是故說為後際分別。

復有說者：此五，執我現既有樂，後亦有樂，故是後際，分別見攝。

問：若爾！何故說為現法涅槃論者？

答：現樂為先，而執後樂。現居先故，用標論名。

如是五種後際分別-現涅槃論，依前所說：五事而起。

如《契經》說：「苾芻當知。世間沙門婆羅門等。所依諸見，皆入二見。調：有見無有見。」今應分別。

云何諸見，一切皆入此二見中？

答：非此入言顯攝彼體，但顯彼入二見品中。所以者何？有見者即常見，無有見者即斷見。諸惡見趣雖有多種，無不皆入此二品類。如此品初補刺拏說：「無施與等。」五類邪見，入斷見品，以執無故。

有說：入二品，由執我常，謗因等故。次說...乃至活有命者，死後斷壞、無有等，斷見攝故，即斷見品。

有作是說：此四大種士夫身...乃至智者讚受，入二品中；次說無因、無緣等，是末塞羯梨見；次說造、教造等是珊闍夷見。此二俱入斷見品，以執無故。

有說：入二品，由執我常，謗因等故。

次說此七士身等，常見攝故，即常見品。

次說有十四億等，是無勝髮褐見。

次說一切士夫諸有所受，無不皆以宿作為因等，是離繫親子見。

此二俱入二品，以執有我，後斷滅故。

次說一切士夫所受，皆是無因、無緣等，是犍迦多衍那見，入斷見品，以執無故。

有說：入二品，以執我常，謗無因故；次說自作苦樂等，此入二品，以執有我，後斷滅故；次說所受苦、樂非自作等，入斷見品，以執無故。

有說：入二品，以執我常，謗無因故；次說我及世間常等，常見攝故，即常見品；次說諦故、住故，我、有我等，常見攝故，即常見品；次說諦故、住故，我、無我等，斷見攝故，即斷見品；次說我、觀我等，入常見品；次說受妙五欲等，入常見品，執有我常，得涅槃故。

有說：入二品，以執有我，後斷滅故；次說風不吹等，常見攝故，即常見品；次說眾生執我作等，入二見品，以執有我，後斷滅故。後說諸欲淨妙，快意受用，而無過失等，入常見品，執有我常，受勝欲故。

有說：入二品，以執有我，後斷滅故。《契經》中說：「我有想見、我無想見、我非有想非無想見、斷滅見、現法涅槃見。此五，入二見品。」調：前三入常見品，第四入斷見品。第五…有說：入常見品。

有說：入二品，《梵網經》中所說六十二見，亦總入此二見品中。調：前際分別見中，四遍常論，入常見品；四一分常論…有說：入常見品。

有說：入二品，以執有常、有無常故。二無因論，入斷見品。

有說：入二品，以執我常，謗無因故。有邊等四論，及不死矯亂四論，入常見品。

有說：入二品，以執我常，後亦斷故。後際分別見中，有想、無想、非有想非無想論，皆常見攝，故即常見品；七斷滅論，斷見攝故，即斷見品；五現法涅槃論，入常見品，執有我常，得涅槃故。

有說：入二品。以執有我，現得涅槃，後斷滅故。迦多衍那契經中說：「世有二見：一者、有見。二者、無見。」如次攝入常、斷見品。
《師子吼經》說：「一切見，皆依二見。調：有見、無有見。」
依有見者，耽著有見，憎無有見。
依無有見者，耽著無有見，憎有見。此二如次，亦即攝入常、斷見品。如《契經》說：「常見外道，或執轉變，或執隱顯，或執往來意界常等，如是一切常見攝，故即常見品。」

如《契經》說：「有外道執命者即身，命者異身，命者非即身，命者非異身。」
問：外道何故執命者即身耶？

尊者世友作如是說：彼見世間，身生時，說有情生；身壞時，說有情死故。
復次，彼見世間，於有色根身，說有命者；於無色根身，說無命者故。
復次，彼見世間，於身相差別，起男、女想故。
復次，彼見世間，於身力強、弱，說強、弱者故。
復次，彼見世間，身形長短、麤細、肥瘦、白黑等異，說長短等者故。
復次，彼見世間，於身一分有被損害時，遍身皆受不安隱苦故。
復次，彼見世間，憂及喜時，流淚毛豎、顏色怡悅故。
復次，彼見世間，皆於身起我，名想故。
有餘師說：彼見世間，守宮、蜥蜴等尾，若斷時，各能動轉故。
大德說曰：彼見世間，於有色根身，說有情形相、有情言音、有情好醜、有情威儀、有情作業等故。
由如是等種種因緣，諸外道說：命者即身。

問：外道何故執命者異身耶？

尊者世友作如是說：彼諸外道，執色為身，執心、心所以為命者，色與心等，相續各異，彼覺色身前、後轉變，不覺心等前、後異相，故起此見。

復次，彼見身麤，心、心所細，命者是細，故異於身。

復次，彼見威儀，隨意欲轉，即執意欲以為命者，威儀即身轉變差別。

復次，彼見死者身相無異，便作是念：「命者離身，說名為死，故與身異。」

復次，彼見色身與心、心所，分位前後，轉變各異。彼執心等即是命者，故異於身。

復次，彼見色身有多分，而命者是一，故異於身。

復次，彼諸外道，見捨前有身，受中有身，復捨中有身，受今有身，如是展轉，身雖有異，而命者一，故異於身。

有餘師說：彼見睡眠時，身亦有動轉，故知其中別有命者。

復次，彼見夢時，身在本處，而有命者遊歷他方，故知異身，別有命者。

復有說者：彼見依定能憶過去，及知未來多身差別，便作是念：「身雖有多，而命者一。」故知各異。

復次，彼見世間身無動轉，能憶過去及知未來，故知離身，別有命者。

有作是說：彼見世間，憶先所作及所更事，而身不動，故知離身，別有命者。

或有說者：彼見身形前後位異，工巧智等隨轉無別，故知離身，別有命者。

大德說曰：彼見世間，不自在者及自在者，身俱動搖，故知彼身由命者轉。

問：外道何故執命者非即身？

尊者世友作如是說：彼見世間，身多分異；命者不異，故非即身。

復次，彼見世間，身隨緣轉；命者不爾，故非即身。

復次，彼見世間，身有增減、損益等異；命者不爾，故非即身。

大德說曰：彼見世間，一身而有種種相異；命者不爾，故非即身。

問：外道何故執命者非異身？

尊者世友作如是說：彼見異身，無別實物，命者可得，故執命者，非異於身，所餘如前，即身中說。

大德說曰：彼見世間，於自身上而起我愛，不於餘法，故執命者，非異於身。所餘如前即身中說。然！諸愚夫於色、心等，剎那、相續，不善了知，說有命者，即異身等。

若說即身及非異身，入斷見品；若說異身及非即身，入常見品。故諸外道，諸惡見趣，無不皆入斷、常品中。一切如來、應正等覺，對治彼故，宣說中道。謂：色、心等，非斷、非常。

問：云何應知死後非斷？

尊者世友作如是言：見今時心，多念相續，由前前滅，有後後生。後心必依前心而起，前心有力必引後心，遇極厭緣後方不起，由斯此世，初受生心，定有前心，為因引起，將命終位無極厭緣，正死時心定能引後，前身既能引今身起，今身何故不引後身？由是應知死後非斷。

復次，見今根覺，依已起根，復能為因，引意覺起，故知胎中最初意覺，必因過去根覺引生，前生既能引今生起，今生何故不引後生？由是應知死後非斷。

大德說曰：非離餘心，有餘心轉，亦見有色隨心而生，復見有心依色而起，由煩惱故，有色心生，由是應知死後非斷。

復次，現見前念有煩惱身，必能引生後念心色，知命終位，有煩惱者定能引後心、色令生，由是應知死後非斷。

問：諸色、心等，何故非常？

答：轉變非恒，豈是常住。

問：寧知轉變不由隱顯，而執彼體有生、滅耶？

尊者世友作如是說：若彼轉變，但由隱顯，則處胎藏、嬰孩、童子、少中老位，皆應頓起。然！漸次起，故知轉變體有生滅，不由隱顯。

復次，若彼轉變，但由隱顯，則處胎藏、嬰孩、童子、少中老位，應有間斷。然！無間斷，故知轉變體有生滅，不由隱顯。

大德說曰：世間現見眾緣合時，有諸法起，緣若乖離諸法便壞，非隱顯者有此差別，故知轉變不由隱顯，但由彼體，有生、有滅。

復次，法轉變時，前後相別，體亦應別，相、體一故。若法常住，雖有隱顯，分位差別，而相無異，故知轉變體有生、滅，伽他、納息所有義趣，如文易了，故不復釋。

三藏法師玄奘譯斯論訖，說二頌言：

佛涅槃後四百年，迦膩色迦王瞻部，召集五百應真士，迦濕彌羅釋三藏其中對法毘婆沙，具獲本文今譯訖，願此等潤諸含識，速證圓寂妙菩提